

Text „Wo samma“

REFRAIN:

Wo samma, do samma, duat samma, immer samma
Immer samma do, samma duat, samma wo
Nie samma do samma duat samma wo samma
Wo samma duat samma nie samma do
Immer wenn ma do san, samma do
Wenn ma ned do san, jo dann samma ned do
Nie samma do, wenn ma ned do san
Und wenn ma do san, jo dann steh ma do

Strophe 1

Do gehst her, jo do gehst her, g'heast du do her oder g'heast du ned do her
Do gehst her wennst do her g'heast, wennst no nie do woast jo dann kummst hoit her
Do bist, duat bist und wennst dann fuat bist, dann bist fuat und dann bist nimma do
Wost dann bist, des waas kana g'wiss, bist dann duat oda bist dann irgendwo

REFRAIN

Strophe 2

Frogst wos, sogst wos, klogst wos, mogst wos hom von dera schenen Wöd
Host ois, brauchst wos, föhd wos, jo dann nimm hoid des wos da föhd
Host ois, kannst ois, tuast ois, machst ois besser ois da Rest da Wöd
Pass auf, schau auf, moch die Augn auf und du siachst wos wirklich zöhd

REFRAIN

Strophe 3

Mogst du mi, frog i di, hob i di, trog i di immer in mein Heazn drin
Siach i di, riach i di, schmeck i di, gspia i di, hoit mei Kepferl in den Wind
Immer besser, immer grösser, immer fester glaub i an die Liebe, die die Wöd regiert
Drum tua immer, sog i immer, denk i immer, sing i immer, damit des a jeder heat

REFRAIN

REFRAIN x4 immer schneller

